

Ի Ն ՈՏ Ի Տ ՈՒ Տ Ի Կ ՈՂ ՈՐ Ի Ց

Ներկա ժողովածուն բաղմամաստակ ժողովրդագետ Սահակ Մովսիսյանի (Բենսե) ազգագրական-բանահյուսական, մեծ մասամբ, անտիպ. ժառանգություն մի ստվար մասն է կազմում:

Այն ընդգրկում է Ս. Մովսիսյանի գրական-բանահավաքչական գործունեության սկզբնավորումից (XIX դարի վերջերից) մինչև իր կյանքի ավարտը (1939 թ.) դրած ու գրառած Բուլանըխի (պատմական Հարթ) գավառի պատմա-ազգագրական, բանահյուսական նյութերը, մի քանի ազգագրական մանր հետազոտություններ:

Ընդ որում, հավելվածի կարգով ժողովածուում գետնդնել է նաև Մշո բարբառով գրած հեղինակի թատերգություններից մեկը՝ «Մշո հարսնիք»-ը, որն ունի ազգագրական-կենցաղագրական արժեք: «Ազգագրական» բաժնի նյութերը, բացառությամբ մի քանիսի, նպատակադրված հավելումներ և լրացումներ են հեղինակի 1901 թ. «Ազգագրական հանդես»-ում տպագրած «Բուլանըխ կամ Հարթ գավառ» աշխատության, որ Ս. Մովսիսյանը 1930-ական թվականներին կամեցել է հիշյալ նյութերով համալրված վերահրատարակել, սակայն այդ մտադրությունը, հեղինակի վերահաս մահվան պատճառով, մնացել է չիրագործված:

Անկախ տվյալ նյութերի լրացուցիչ բնույթից, դրանք բավականաչափ ամբողջական պատկերացում են տալիս Բուլանըխի հայության բնակարանի, ամուսնա-ընտանեկան, ծիսա-կենցաղային, սոցիալ-դասային ու վարչական հարաբերությունների, գավառի տեղադրության, բուսական և կենդանական աշխարհի, աշխարհագրական անունների, անձնանունների և գավառական բառերի մասին, դրանով իսկ՝ ակնհայտ գիտական արժեք ու հետաքրքրություն ներկայացնում:

Առավել ստվար է ու հստակ «Բանահյուսական» բաժինը, ուր ընդգրկված են բանահավաքի տարբեր ժամանակներում Մշո բարբառով գրառած զանազան երգեր, առակներ և բանահյուսական տարբեր ժանրերի ստեղծագործություններ:

ժողովածուն կազմել և հրատարակության է պատրաստել Ս. Մովսիսյանի որդին՝ բանաստեղծ Սողոմոն Տարոնցին, այն օժտել է առաջարանով, ծանոթագրություններով և բարրառային բառերի բացատրական բառարանով:

«Հայ ազգադրություն և բանահյուսություն (նյութեր և ուսումնասիրություններ)» մատենաշարով հրատարակության հանձնարարելով ներկա ժողովածուն, ինստիտուտի գիտական շրջանառության մեջ է դնում Մշո աշխարհի հայության մոտակա անցյալի նյութական ու հոգեոր կյանքի տարրեր կողմերը լուսարանող ժողովրդագիտական հարուստ ու բազմազան նյութեր, որով իսկ նպատակ ունի իրովսանն հավերժացնելու երախտավոր ժողովրդագետ Սահակ Մովսիսյանի ազնիվ հիշատակը:

ՀԱՊԻՏՈՒԹՅԱՆ ԵՎ ԱԶԳԱԳՐՈՒԹՅԱՆ
ԻՆՍՏԻՏՈՒՏ